

Warga UMP hayati kemerdekaan

KUANTAN - Sambutan bulan kemerdekaan tetap meriah diraikan warga Universiti Malaysia Pahang (UMP) yang

diadakan secara sederhana tetapi penuh penghayatan walaupun sedang melaksanakan ibadah puasa.

Pelbagai acara diadakan bersempena sambutan kemerdekaan Malaysia kali ke-53 yang bertemakan 1Malaysia Menjana Transformasi.

Kibaran jalur gemilang memenuhi persekitaran kampus memeriahkan sambutan dan memupuk semangat cinta negara.

Penganjuran Festival Ramadhan dan Sambutan Kemerdekaan anjuran Persatuan Mahasiswa Kolej Kediaman (Peka), Majlis Perwakilan Pelajar (MPP), Kelab Orator dan Kelab 1Malaysia menjadikan sambutan kemerdekaan lebih bermakna.

Menurut Pengarah program, Talhah Abdullah Amir, 21, berkata, penganjuran program berkonsepkan Semarak Ramadan menjadikan sambutan kemerdekaan tahun ini lebih meriah de-

ngan membabitkan pelbagai bangsa dan agama.

Katanya, beberapa program membabitkan penyertaan pelajar dalam Hafazan, Tilawah Al-Quran, Pertandingan Rumah Patriotik, pengucapan awam dan syarahan bertemakan kemerdekaan serta Ramadhan.

Turut diadakan pertandingan video kemerdekaan yang ditayangkan dalam program Ambang Kemerdekaan pada malam 30 Ogos.

Selain penganjuran program itu, aktiviti gotong-royong menghias pejabat dalam kalangan warga kerja juga menyemarakkan sambutan bulan kemerdekaan tanpa

mengira kepenatan berpuasa di siang hari.

Program Ambang Kemerdekaan itu disambut serentak pelajar Fakulti Kejuruteraan Mekanikal dan Fakulti Kejuruteraan Elektrik dan Elektronik di kampus tetap UMP di Pekan.

Aktiviti dimulakan dengan gotong-royong menyediakan juadah berbuka puas sehingga menanti detik ketibaan hari kemerdekaan pada sebelah malam.

"Lebih meriah, Naib Canselor UMP Profesor Datuk Dr Daing Nasir Ibrahim, hadir bersama lebih 1,000 pelajar UMP menjayakan sambutan Ambang Kemerdekaan itu," kata Talhah.



■ Sebilangan staf UMP membuat persiapan sambutan kemerdekaan dengan memasang Jalur Gemilang.